



Broj: 01/06-3018/1-2021
Sarajevo, 02.12.2021. god.

Na osnovu člana 135. Zakona o visokom obrazovanju („Službene novine Kantona Sarajevo“, broj: 33/17, 35/20, 40/20 i 39/21) i člana 104. Statuta Univerziteta u Sarajevu, a u skladu sa članom 48. Zakona o visokom obrazovanju („Službene novine Kantona Sarajevo“, broj: 33/17, 35/20, 40/20 i 39/21) i članom 131. Statuta Univerziteta u Sarajevu, Vijeće Univerziteta u Sarajevu - Prirodno-matematički fakultet na 29. elektronskoj sjednici održanoj 02.12.2021. godine, donosi

ODLUKU

I

Utvrđuje se horizontalna prohodnost studenata sa završenog stručnog dvogodišnjeg studija „Informacione tehnologije“ na II godinu I ciklusa studija na Odsjeku za matematiku, smjer Teorijska kompjuterska nauka Univerziteta u Sarajevu – Prirodno-matematički fakultet bez obaveze apliciranja na konkurs za upis studenata na I ciklus studija na Univerzitetu u Sarajevu – Prirodno-matematički fakultet.

II

Studentima iz tačke I ove Odluke izvršiće se priznavanje/ekvivalencija položenih ispita relevantnih za studijski program Teorijska kompjuterska nauka na Odsjeku za matematiku Univerzitetu u Sarajevu – Prirodno-matematički fakultet, te utvrditi razlika predmeta/ispita koju se obavezuju ostvariti.

III

Studenti II godine I ciklusa studija na Odsjeku za matematiku, smjer Teorijska kompjuterska nauka koji polože razliku predmeta/ispita sa I godine I ciklusa studija Teorijska kompjuterska nauka na Odsjeku za matematiku Univerzitetu u Sarajevu – Prirodno-matematički fakultet i ostvare minimalno 108 (odnosno 105) ECTS bodova sa I, II i III godine studija mogu upisati III godinu navedenog studija.

IV

Odluka stupa na snagu danom donošenja.

Obrazloženje

Vijeće Fakulteta na 29. elektronskoj sjednici održanoj dana 02.12.2021. godine razmatralo je horizontalnu prohodnost studenata koji su završili dvogodišnji stručni studij „Informacione tehnologije“ na II godinu I ciklusa studija na Odsjeku za matematiku, smjer Teorijska kompjuterska nauka Univerziteta u Sarajevu – Prirodno-matematički fakultet. Odredbom člana 48. Zakona o visokom obrazovanju i članom 131. Statuta Univerziteta u Sarajevu utvrđeno je da je dvogodišnji stručni studij vrsta studija koju organizuje visokoškolska ustanova/organizaciona jedinica koji se vrednuje sa 120 ECTS bodova, a čijim završetkom se osigurava prohodnost na prvi ciklus studija prema uvjetima iz Pravila studiranja za prvi ciklus studija. Cijeneći naprijed navedeno, odlučeno je kao u dispozitivu.

Dostaviti:

- Odsjek za matematiku
- Studentska služba
- Dosije Vijeća
- Oglasna ploča
- a/a



DEKAN FAKULTETA

Prof. dr. Nusret Drešković